

## Հ Ա Յ Տ Ա Ր Ա Ր ՈՒ Թ Յ ՈՒ Ն

**Առաջին ասյանի ընդհանուր իրավասության դատարաններում  
դատավորների թեկնածուների ցուցակի քրեական  
մասնագիտացման բաժնի մինչ դատական քրեական վարույթի  
նկատմամբ դատական վերահսկողության գործերի և  
օպերատիվ-հետախուզական միջոցառումներ իրականացնելու  
մասին միջնորդությունների ենթաբաժնի արտահերթ  
համալրման նպատակով որակավորման գրավոր քննության  
ժամանակի մասին**

Հիմք ընդունելով «Հայաստանի Հանրապետության դատական օրենսգիրք» սահմանադրական օրենքի 101-րդ հոդվածի 1-ին մասը՝ տեղեկացվում է, որ առաջին ասյանի ընդհանուր իրավասության դատարաններում դատավորների թեկնածուների ցուցակի քրեական մասնագիտացման բաժնի մինչ դատական քրեական վարույթի նկատմամբ դատական վերահսկողության գործերի և օպերատիվ-հետախուզական միջոցառումներ իրականացնելու մասին միջնորդությունների ենթաբաժնի արտահերթ համալրման նպատակով անցկացվելիք որակավորման գրավոր քննությունը տեղի է ունենալու **2021 թվականի օգոստոսի 9-ին, ժամը 10:00-ին:**

«Հայաստանի Հանրապետության դատական օրենսգիրք» սահմանադրական օրենքի 102-րդ հոդվածի 4-րդ մասի համաձայն՝ որակավորման գրավոր քննությանը և հարցազրույցին, բացառությամբ Բարձրագույն դատական խորհրդի անդամների միջև հարցազրույցի արդյունքների ամփոփիչ քննարկմանը, կարող են ներկայլինել և դրանց ընթացքին հետևել արդարադատության ոլորտում Կառավարության քաղաքականությունը մշակող և իրականացնող նախարարի (այսուհետ՝ Լիազոր մարմին) մեկ ներկայացուցիչ, փաստաբանների պալատի ներկայացուցիչ երկու փաստաբան և որակավորման գրավոր քննության անցկացումից առնվազն երեք աշխատանքային օր առաջ Բարձրագույն դատական խորհուրդի համապատասխան հայտ ներկայացրած՝ իրավունքի բնագավառում գործունեություն իրականացնող հասարակական կազմակերպությունների մինչև երեք ներկայացուցիչ՝ ըստ դիմումների ներկայացման ժամանակագրական առաջնահերթությամբ, յուրաքանչյուր հասարակական կազմակերպությունն իր մեկ ներկայացուցիչ:

Հաշվի առնելով այն հանգամանքը, որ որակավորման գրավոր քննությունը տեղի է ունենալու սույն թվականի **օգոստոսի 9-ին,**

ուստի հասարակական կազմակերպություններին առաջարկվում է մինչև սույն թվականի **օգոստոսի 4-ը** համապատասխան հայտներ կայացնել Բարձրագույն դատական խորհուրդ (խորհրդի աշխատակազմի գրասենյակը գտնվում է **ք. Երևան, Կորյունի 17 հասցեում**):

Միաժամանակ տեղեկացվում է, որ անցկացվելիք որակավորման գրավոր քննությունը տեղի ունենալու **վայրի** մասին տեղեկությունը կհրապարակվի Լրացուցիչ:

**ԴԱՏԱՎՈՐՆԵՐԻՆ ԵՎ ԹԵԿՆԱՃՈՒՆԵՐԻՆ  
ԱՌՆՉՎՈՂՅԱՐՑԵՐԻ ՎԱՐՉՈՒԹՅՈՒՆ**